

# Ilinniagaqarnersiutit pillugit Namminersorlutik Oqartussat nalunaarutaat

Ilinniagaqarnersiutit pillugit Inatsisartut inatsisaat nr. 12, 22. november 2011-meersumi § 2, imm. 5, § 5, § 14, imm. 4, § 28, imm. 2, § 34, imm. 5 aamma § 35, imm. 2 aamma kalaallit ilinniagaqartut kattuffiannut tusarniaareernikkut aalajangerneqarpoq:

## Kapitali 1

### Nassuaatit

**§ 1.** Ilinniagaqarnissamut piareersarluni ilinniarnerit tassaapput:

- 1) Ilinniagaqarnissamut piareersarluni ilinniarnerit meeqqat atuarfianni inaarutaasumik misilitsinnermit qaffasinnerusumik inisisimasut.
- 2) Ilinniarnertuunngorniarnerit, ilinnianertuunngorniarfinni ilassutitut ilinniarnerit aamma piareersarluni pikkorissarnerit.

**§ 2.** Inuussutissarsiutinut ilinniartitaanernut paasineqassaaq ilinniartitaaneq ilinniarfimmi pineqartumi ilinniartitaanermut pilersarut naapertorlugu ilinniagaq inuussutissarsiorsinnaanermut suliamik ilinniagaqarsimasutut pisinnaatitaaffiliisoq, nalinginnaasumillu ukiut marluk sinnerlugit sivisussuseqartoq. Inuussutissarsiutinut ilinniartitaanertut naatsutut paasineqassaaq inuussutissarsiutinut ilinniartitaaneq nalinginnaasumik ukiunik marlunnik imaluunniit taakkunannga sivikinnerusumik sivisussuseqartoq, aammalut ilinniakkamut pineqartumut ilinniartitaanermut pilersararutaasoq naapertorlugu suliamik ilinniagarsimasutut ilinniagaqarnerup naleqqatiginnisaa.

**§ 3.** Ingerlaqqiffiusumik ilinniarneq tassaavoq ilinniarneq ilinniarnertuunngorniarfimmi ilinniarnermi angusisimanissamik piumasaqaateqarfiusoq, tassunga ilanngulligit ilinniarnertuunngorniarfinni ilinniarnerit immikkut aaqqissuunneqartut imaluunniit inuussutissarsiutinut ilinniagaq.

**§ 4.** Timersornermut immikkut piginnaanillit timersortartutullu piukkunnassuseqartut tassaapput ilinniagaqartut Elite Sport Greenlandimit aammalut timersuutinut kattuffinnit innersuussutaareerlutik Ilinniartitaanermut Naalakkersuisoqarfimmit timersornermut immikkut piginnaanilittut timersortartutullu piukkunnassuseqartutut ilinniagaqartussatut akuerineqartut. Kalaallit Nunaanni Timersoqatigiit Kattuffiata timersuutit namminneq timersuutiminut kattuffeqanngitsut sinniisuufffigisinnaavai.

**§ 5.** Ilitsersuisoq tassaavoq ilinniarfimmi ilinniagaqarnermut ilitsersuisartoq, ilinniarfimmi ilinniartitsisoq imaluunniit ilinniarfimmi ilitsersuinermit suliaqartut allat, imaluunniit Danmarkimi Kalaallit Illuutaasa ilaanni ilinniagaqarnermut ilitsersuisartoq. Aammattaaq ilinniagaqarnersiuteqarnermut Naalakkersuisoqarfik ilitsersuisartuusinnaavoq.

**§ 6.** Katissimasutut assingusumik inooqatigiinneq sivikinnerpaamik ukumik ataatsimik sivisussuseqartoq najugaqarnermut uppernarsaatikkut uppernarsarneqartoq katissimanermut naligiissinneqassaaq.

**§ 7.** Ilaqtariit qanignerpaasat tassaapput nammineq qitornarisat, katissimallugu apparisaq, angajoqqaat, qatanngutit aamma aataakkut aanaakkulluunniit, imaluunniit inuit ilinniagaqartumut ilaqtariittut qanittutut inissisimanermikkut taakkununnga nallersunneqarsinnaasut.

## Kapitali 2

### Ataatsimut aalajangersakkat

#### Piumasaqaatit immikkut ittut

**§ 8.** Ilinniagaqarnersiuteqarnermut Naalakkersuisoqarfik tamassuminnga qinnuteqartoqareerneratigut danskisut innuttaassuseqarnissamik piumasaqaammit immikkut akuersisinnaavoq, takuuk ilinniagaqarnersiutit pillugit Inatsisartut inatsisaat, ilinniagaqarniartoq ilaqtariinnikkut Kalaallit Nunaannut immikkut attaveqarpat, assersuutigalugu katissimaneq aqqutigalugu imaluunniit ilinniagaqarniartoq Kalaallit Nunaanni angajoqqaaqarpat.

**§ 9.** Ilinniagaqartut ilinniagaqarnermik unitsitsigallartut, tassunga ilanngullugit erninermut atatillugu ilinniarnermik unitsitsigallartut, ilinniagaqarnersiuteqarsinnaanngillat. Ilinniagaqartulli erninerminnut atatillugu sulinngiffeqartut immikkut tapiissutinik pisinnaatitaapput.

*Imm. 2.* Ilinniagaqartut qiortartakkamik imaluunniit aningaasanik ilinniarnermi tunniunneqartartunik atuiunnaarallartut piffissani taakkuninnga atuiunnaarallarfimminti immikkut tapiissutinik imaluunniit nunatta karsianit aningaasalersornerqartunik ilinniarnermi attartortakkanik pisartagaqarsinnaanngillat, takukkit kapitalit 6 aamma 7. Ilinniagaqarnersiuteqartunut qiortartakkani imaluunniit aningaasanik ilinniarnermi tunniunneqartartunik nunguutsismasunut tamanna aamma atuuppoq.

*Imm.3.* Ilinniagaqartunut Naalagaaffiup ilinniagaqarnersiuteqartitsineranit aningaasanik ilinniarnermi tunniunneqartartunik pisartagaqartunut, kapitali 6-im i immikkut tapiissutinik taaneqartunit tapiissuteqartitsisoqarsinnaavoq, taamaattoq § 52 naapertorlugu, ilinniagaqarnersiuteqarsinnaanermut piumasaqaatinik naammassinnissimasunut, nalunaarut una naapertorlugu aammalu ilinniagaqarnersiutit pillugit Inatsisartut inatsisaat naapertorlugu.

#### Ilinniagaqarnermik ingerlatsineq

**§ 10.** Ilinniagaqarnermik ingerlatsineq imatut paasineqassaaq ilinniartup ilinniagaqarnerup ingerlanissaanut malittarisassat naapertorlugin ilinniarnermik aammalu misilitsinnernut soraarummeernernullu piumasarineqartunik malinninera, suliassiissutinik tunniussisussaanera, takkuttussaatitaanermik piumasaqaammik malinninera il.il., imaluunniit misilitsinnerni soraarummeernernilu peqataannginnissamik nalunaarneq takkutinngitsoornerluunniit ilinniarfimmit akuerineqarpat.

*Imm. 2.* Ilinniagaqartoq uppernarsarneqartumik piffissami sivisumi annertuumik napparsimasoq, ilinniagaqartutut isigineqartarpooq ilinniagaqartoq misilitsinnissamut soraarummeernissamullu nalunaarutigineqarpat.

*Imm. 3.* Ilinniagaqarnermi ilinniarfimmut pinngitsoorani takkuttariaqarfunningitsumi ilinniarnermi ilinniartoq qaammatit aqqaneq marluk sinnerlugit kinguaattoorsimanngippat ilinniagaqartutut isigineqassaaq. Aningasat ilinniarnermi tunniunneqartartut imaluunniit qiortartakkat ilinniagaqarnermut atatillugu tunniunneqarsimasut akornanni assigiinngissutaasoq kinguaattoorneruvoq, taamatullu

ilinniagaqarnermut maleruagassat atuuttut najoqqutaralugit ilinniagaqarnermi siuariartorneq qaammatinut uittorneqartarluni, taamaattorli tak. § 57, imm. 3, oqaaseqatigiit appaat. Ilinniagaqartup ilinniarnini qaammatini aalajangersimasuni amerlassusilinni aningaasat ilinniarnermi tunniunneqartartunik pisarnissamut qiortartakkanillu pissarsisinnaatitaalluni sivitsorsimappagu aningaasat ilinniarnermi tunniunneqarsimasut imaluunniit qiortartakkat atorneqarsimasut aningaasat ilinniarnermi tunniunneqarsimasunik imaluunniit qiortartakkanik atugaasimasunik naatsorsuinermut ilanngunneqassangillat.

*Imm. 4. Imm. 1-2-mi aalajangersakkat timersornermut immikkut piginnaanilinnut timersortartutullu piukkunnassuseqartunut atuutningillat. Ilinniagaqartoq timersornermut immikkut piginnaanilinnut timersortartutullu piukkunnassuseqartunut piumasaqaatinik aalajangersakkaniq naammassinnissinnaajunnaarpat Elite Sport Greenlandip ingerlaannaq Ilinniagaqarnersiuteqarnermut Naalakkersuisoqarfik nalunaarfingissavaa.*

*Imm. 5. § 19 malillugu ilinniagaqartoq kandidatinngorniarnermi suli qjugassaqarpat, imm. 2, oqaaseqatigiit siullianni qaammatit aqqaneq marluk pillugit aalajangersakkamit Ilinniagaqarnersiuteqarnermut Naalakkersuisoqarfik taassuminnga qinnuteqartoqareerneratigut immikkut akuersisinnaavoq, ilinniagaqartullu ilinniarnermik ingerlatsinera ilinniarfiup uppernarsassavaa.*

**§ 11. Ilinniagaqartup ilinniarnerminik ingerlatsinera ilinniarfiup aamma Kalaallit Illuutaasa ingerlaavartumik nakkutigalugulu ilinniagaqartup ingerlatsinera pillugu aalajangiisarput, ilinniagaqartup ilinniarnermik ingerlatsinera pillugu § 10 naapertorlugu piumasarneqartunik naammassinninersoq pillugu.**

### Kapitali 3

#### *Ilinniagaqarnersiutit suuneri annertussusaallu*

#### *Suuneri annertussusaallu*

- § 12. Ukununnga aningaasanik ilinniarnermi aningaasanut inatsimmi annertussutsit aalajangersarneqarsimasut naapertorlugit tunniussisoqartarpooq:**
- 1) Ilinniagaqarnissamut piareersaataasumik Kalaallit Nunaanni ilinniagaqartunut 18-it inorlugit ukiulinnut.
  - 2) Ilinniagaqarnissamut piareersaataasumik Kalaallit Nunaanni ilinniagaqartunut 18-ileereersimasunut.
  - 3) Kalaallit Nunaanni inuussutissarsiutinut ilinniagaqartunut sulisitsisumit aningaarsiaqartinneqanngitsunut, tamatumani aamma sulisitsisup ilinniartumik soraarsitsinerani, soraarsitsineq ilinniartumut tutsinneqarsinnaanngippat, tak. imm. 2.
  - 4) Kalaallit Nunaanni ingerlaqqiffiusumik ilinniagaqartunut.
  - 5) Kalaallit Nunaata Danmarkillu avataanni ilinniarfinni ilinniagaqartunut.
  - 6) Danmarkimi ilinniarfinni 20-it inorlugit ukiulinnut ilinniarneretuunngorniarfinni aamma inuussutissarsiutinut ilinniartitaanerni ilinniagaqartunut.
  - 7) Danmarkimi ilinniarneretuunngorniarfinni ilassutitut ilinniarneremi § 15 naapertorlugu ilinniagaqartunut.
  - 8) Inuussutissarsiutinut Danmark-imi ilinniagaqartunut, tunngaviusumik ilinniakkamik ingerlatsinermik qaammatit marluk angullugit sivisussusilimmik naammassinnereernerminni sungiusaammik suliffissarsinissamik imaluunniit ilinniarfimmi sungiusaammik ingerlatsinissamut utaqqisunut.
  - 9) Ilinniagaqartut ilinniarnermik Majoriami ingerlatsisut.
  - 10) Ilinniagaqartut Danmark-imi immikkut ittumik atugassaritaasut naapertorlugit ilinniartuuusut.

*Imm. 2. Soraarsitsineq ilinniartumut tutsinneqarsinnaanngilaq, taanna:*

1) soraarsitsineq piviusorsiortumik tunngavilersugaanngippat, imaluunniit inatsisitigut tunngavissanik pingaaruteqartunik amigaateqarpat, imaluunniit

2) soraarsitsineq sungiusaammik suliffiusup aningasaqarnikkut atugaanik tunngaveqartinneqarpat, tamatumani aamma akiliisinnaajunnaarnermik.

*Imm. 3. Ilinniagaqartunut ilinniarnerminnut atatillugu akeqanngitsumik nerisaqartitaallutilu najugaqartitaasunut aningaasat ilinniarnermi tunniunneqartartuniit akiliutitut nerisaqarnermut najugaqarnermullu ilanngaanneqartassapput, ilinniagaqartoq kollegiani najugaqanngippat 18-inillu inorlugit ukioqanngippat.*

*Imm. 4. Kalaallit Nunaanni ilinniagaqarnissamut piareersaataasumik ilinniagaqartut 18-it inorlugit ukiullit illoqarfisap avataani kollegiani najugaqartut nerisaqarnissamulli periarfissaqanngitsut ullormulluunniit ataasiaannarlutik nerisaqartinneqarsinnaasut nerisassanut tapiiffigineqartarput.*

*Imm. 5. Ilinniagaqartoq imm. 1-impi pineqartut arlaanni allatut inissimalerpat aningaasat ilinniarnermi tunniunneqartartut annertussusiat allanngortinneqassaaq piffissamit qinnuteqarfiusumiit, taamaattorli ulloq inissismaffiup allanngorfia siusinnerpaamik aallarnerfigalugu.*

#### *Meeqqanut tapit*

**§ 13. Ilinniagaqartoq meeqqanut 18-it inorlugit ukiulinnut pilersuisussaatitaappat imaluunniit akilersuisussaatitaappat meeqqanut ataasiakkaanut tamanut tapiissuteqartoqassaaq (meeqqanut tapit), ilinniagaqartoq Kalaallit Nunaanni Namminersorlutik Oqartussanit aningasanik ilinniarnermi tunniunneqartartunik pisartagaqarpat, taamaattoq § 59 naapertorlugu. Tamanna aamma atuuppoq ilinniagaqartoq ilinniagaqarnermini akissarsiaqarpat inuussutissarsiutinut ilinniartitaanermik ingerlataqarnini pissutigalugu, sulisitsisualu tamatumunnga atatillugu ilinniagaqarnersiutinik pisartagaqarpat, akissarsiaritinneqartunut tapiissutisiatut, lærlingimik inuussutissarsiutinut tunngaviusumik ilinniartitaanernut, pikkorissartitsisarnernullu Inatsisartut inatsisaat naapertorlugu imaluunniit lærlinginut, Kalaallit Nunaanni sungiusaammik suliffeqartartunut Danmark-imilu atuarnerminnik ingerlatsisartunut tunngatillugu.**

*Imm. 2 Meeraq Kalaallit Nunaanni najugaqarpat akilersuutip nalinginnaasup assinganik tapiissuteqartoqassaaq. Meeraq Danmarkimi najugaqarpat Danmarkimi akilersuutip nalinginnaasup assinganik tapiissuteqartoqassaaq. Meeraq Kalaallit Nunaanni imaluunniit Danmarkimi najugaqanngippat Kalaallit Nunaanni akilersuutip nalinginnaasup assinganik tapiissuteqartoqassaaq.*

*Imm. 3. Ilinniagaqartup meeraq najugaqtiginngippagu meeqqanut tapeq pilersuisuuusumut akilerneqartassaaq.*

*Imm. 4. Ilinniagaqartup meerai pisortanit tamakkiisumik pilersorneqarpata ilinniartumut meeqqanut tapiissuteqartoqassangilaq.*

*Imm. 5. Ilinniagaqartup piffissani qiortartakkanik atugaqannginnissamik aalajangiiffigisaani ilinniagaqartumut meeqqanut tapermik tapiissuteqartitsisoqassangilaq, tak. § 55.*

#### *Ilinniagaqarnermut akiliut misilitsinnermullu akiliut*

**§ 14. Ilinniakkani ilinniagaqarnersiuteqarfiusinnaasutut akuerisaasumi ilinniarnermi akiliutit aamma misilitsinnermut akiliut tamakkiisumik matussuserneqassapput, taamaattorli takukkit imm. 2 aamma 3:**

- 1) ilinniagaq assingusoq ilinniarnermi akiliutinik akiliuteqarnani malittarineqarsinnaanngippat, aamma
- 2) aningaasartuutit pisortat oqartussaasuinit allanit akilerneqarsinnaanngippata.

*Imm. 2. Ilanniagaqarnersiuteqarnermut Naalakkersuisoqarfik ilinniakkani aalajangersimasuni ilinniartitaanermut akiliutissat pissutsit immikkut illuinnartut atuutsillugit ilaannakortumik matussuserneqarnissaannik aalajangiussaqarsinnaavoq, tassungalu ilanngullugu:*

- 1) ilinniakkamut pineqartumut Kalaallit Nunaat ilinniagaqarsimasunik pisariaqartitsippat,
- 2) allanit aningaasaleeqataanissaq pillugu isumaqatigiissuteqartoqarpat, imaluunniit
- 3) ilinniakkamut assigisaanut ilinniagaqarnersiuteqarfiusinnaasutut akuerisaasumi ilinniartoq tiguneqarsinnaanngippat.

*Imm. 3. Ilinniagaqartoq suli qjugassaqarpat ingerlaqqiffiusumik ilinniarnermi ilinniarnermut akiliutit taamaallaat matussuserneqarsinnaapput.*

*Imm. 4. Kalaallit Nunaata avataani ilinniagaqarnermi ilinniarnermut akiliutinut annerpaamik kr. 60.000-inik tapiisoqarsinnaavoq. Ilinniagaqartunut ilinniagaqarnerup ingerlanerani immikkut qaffassisuseqartumik piginnaaneqarnermik takutitsisimasunut, tassunga ilanngullugit angusat - karakterit - aammalu piffissaq angusaqarnermut atorneqartoq eqqarsaatigalugit amerlassusilerneqareersup iluanni imm. 1-imi pineqareersut saniatigut aningaasartuutinut matussutissiisoqarsinnaavoq, nunarsuarmiut ilinniarfiini pitsaasumik tusaamasaasunut tiguneqarnermut atatillugu. Ilinniagaqarnersiuteqarnermut Naalakkersuisoqarfik tulleriaarisarnermut piumasaqaatinik pisariaqarpallu immikkut atugassarititaasunik aalajangersaasiinnaavoq, "www.sunngu.gl"-imi tamanut takusassiarineqartussanik.*

*Imm. 5. Ilinniakkanut sorlernut ilinniartitaanermut akiliutit taamaallaat ilaannakortumik matussuserneqartarneri ilinniakkani lu ataasiakkaani ilinniarnermut akiliutit matussuserneqar-tut qanoq annertutigineri pillugit "www.sunngu.gl"-imi tamanut saqqummiussisoqartarpooq.*

## Kapitali 4

### *Ilinniakkat assigiinngitsut*

#### *Ilinniagaqarnissamut piareersarluni ilinniarnerit*

**§ 15.** Ingerlaqqiffiusumik ilinniagaqalernissamut ilinniarnertuuungorniarfimmi ilinniartitsissutit ataasiakkaat qaffasinnerunissaat pisariaqarpat, ilinniarnertuuungorniarfimmi ilassutaasumik ilinniarnerit tapiiffigineqarsinnaapput, ilinniartitsissutit ataasiakkaat ilinniartitsissutiginerisa malinnaaviginissaannik ilinniarnermut ilitsersuisumit ilinniagaqartoq ilitsorsorneqarsimappat.

*Imm. 2. Ilinniarnertuuungorniarfimmi ilassutaasumik ilinniarnerit tapiiffigineqarsinnaanngillat, ilinniagaqartoq ilinniartitsissutini soraarummeernerri 7-skala malillugu 02-mik qaangerluguluunniit karaktereqarpat, ilinniagassatut kissaatigisami ilinniartunngortinneqarnissamut qaffasinnerusumik karaktereqarnissaq qaffasisssuserluunniit qaffasinnerusoq piumasaqaataanngippat.*

*Imm. 3. Taamaallaat ilinniartitsissummut ataatsimut ataasiaannarluni ilinniagaqarnersiuteqartitsisoqarsinnaavoq.*

#### *Inuutissarsiutinut ilinniarnerit*

**§ 16.** Inuussutissarsiutinut tunngaviusumik ilinniartitaanernut naammassianut taamaallaat amerlanerpaamik marlunnut, suliamik ilinniagaqarsimasutut qaffasisssuseqartunut ilinniagaqarnersiuteqartitsisoqarsinnaavoq. Taamaakkaluartorli ilinniarnermut saniatigut ataatsimut, suliamik ilinniagaqarsimasutut qaffasisssuseqartumut qaffasinnerusumulluunniit aamma ilinniagaqarnersiuteqartitsisoqarsinnaavoq, tamatumani uku naammassineqarsinnaatillugit:

- 1) Ilinniarnermut pineqartumut ilinniartunngortinneqarsinnaanissamut piumasaqaatigineqarpat suliamik

ilinniagaqarsimasutut qaffasitsigisumik ilinniagaqarsimasooreernissaq.

- 2) Ilinniartitaaneq siusinnerusukkut ilinniagarisimasamut pissusissaatut nangitsineruppat, imaluunniit
- 3) Ilinniagaqqinissaq pisariaqarsimappat inuussutissarsiutigerikkami sulisinnaannginneq pissutigalugu allamik ilinniartariaqarnermik.

*Imm. 2. Ilinniagaqartoq suliamik ilinniarsimasutut qaffasissuseqartumik imaluunniit qaangerlugu ilinniagaqarsimasoq ilinniakkamut suliamik ilinniarsimasutut qaffasissutsip ataaniittumut ilinniagaqarnersiutinik pissarsisinnaanngilaq.*

*Imm. 3. Ilinniagaqarnersiuteqarnermut Naalakkersuisoqarfik imm. 1-imut aamma 2-mut pissutsit immikkut ittut apeqqutaatillugit immikkut akuersissuteqarsinnaavoq, tassunga ilanngullugit:*

- 1) Ilinniagaqartup suliffeqarnissamut periarfissai killeqarpata, imaluunniit
- 2) ilinniakkamik qinnuteqarfiusumik ilinniarsimasunik Kalaallit Nunaat immikkut ittumik pisariaqartitsippat.

**§ 17. Ilinniagaqarnersiuteqartitsisoqarsinnaanngilaq ukiut kingullit tallimat ingerlanerini, ilinniarnerup aallartinneraniit Danmarkimi inuussutissarsiutinut ilinniartitaanermik ataaseq sinnerlugu unitsitsisimasumut.**

*Imm. 2. Imm. 1 malillugu unitsitsinermut naatsorsuunneqanngillat sungiusaammik suliffissamik pissarsisimannginneq, tassunga ilanngullugit naartunermi ernereernermlu ilinniangiffesarallarneq upternarsaateqarlunilu napparsimalluni peqannginneq pissutigalugit ilinniartitaanermik unitsitsigallarnerit.*

*Imm. 3. Ilinniarfiup inassutigippagu ilinniagaqartup ilinniagassaq qinnutigisani naamassisinnaassaga, Ilinniagaqarnersiuteqarnermut Naalakkersuisoqarfip tamatumunnga qinnuteqartoqarnera naapertorlugu imm. 1-imik saneqqutsisinaaneq akuersissuteqarfisiginnaavaa, pissutsit immikkut ittut tamanna aqqutissiuunneqarsinnaatippassuk, tamatumani aamma:*

- 1) ilinniartup suliffeqarnissamut periarfissai killeqarpata, imaluunniit
- 2) Kalaallit Nunaat ilinniarniakkamut qinnuteqarfiusumut ilinniarsimasunik immikkut ittumik pisariaqartitsippat, imaluunniit
- 3) unitsitsineq piffissap misiliinerup nalaani pippat.

#### *Ingerlaqqiffiusumik ilinniarnerit*

**§ 18. Qiortartakkap iluani qiortartakkanik katillugit 82-inik (killissarititaq) tunisisoqarsinnaavoq, taamaattorli takukkit §§ 21-24.**

*Imm. 2. Ilinniagaqarnermut qiortartakkamik aaqqissuussinermut ilaasumut annerpaamik killissarititap aammalu qiortakkat atoreersimasat assigiinngissusaata amerlaqataanik qiugassanik tunniussisoqarsinnaavoq.*

*Imm. 3. Qiorsinerup ataatsip annertussuseraa qaammammut ataatsimut aningasat ilinniarnermi tunniunneqartartut meeqqanullu tapiutaasinnaasut, tak. § 27.*

*Imm. 4. Ilinniagaqartumut ingerlaqqiffiusumik ilinniarnermik atuagarsornermik aningasarsiaqarfisamillu ilinniarnermut atatillugu suliffimmiinnermi sinnerseraffiusumik naamassisqaqsimasumut, ilinniarnermi atuagarsornermut atugassat sinnerlugit qiugarisimasinnaasanik ilallugit ilinniagaqarfisassatut atugassat assinginik qiugassanik killissarititamini ilanngaavagineqassaaq. Ilinniagaqartoq ilinniarnermi atuagarsornertut atugassarisap assinganut qiugassanik ikinnerusunik atugaqarsimaguni killissarititamini qiugassanik ilinniagaqarfisassatut atugassat assinginik*

atorneqanngitsunik ilanngaavagineqassaaq. Ilinniarnerni taama ittuni unitsitsinermi taamaallaat qiegassanik tunniunneqareersimasunik killissarititaq ilanngaavagineqassaaq.

**§ 19. Ilinniartitaanernut ataasiakkaanut piffissamut ilinniagaqarfiusussamut qaammatinut naatsorsorlugit qiegassanik tunisisoqassaaq, qiegassat 12-it tapiliutigineqarlutik (ilinniagaqarnersiuteqarsinnaanermi piffissaq), taamaattorli takukkit § 21, imm. 5 aamma §§ 22-24.**

*Imm. 2. Ilinniagaq ilinniagaqarnersiuteqarsinnaanermi piffissamut atatillugu bachelorinngornissamut aamma kandidatinngornissamut immikkoortoqarpal ilinniarnerit marluusutut naatsorsuutigineqartarpooq. Ilinniarneq bachelorinngornissamut aamma kandidatinngornissamut immikkoortoqarpal immikkoortunut tamanut qiegassat 12-it tapiliutigineqassapput, tamakkiisumilli killissarititap assigisaanik qiegassanik tunisisoqarsinnaavoq, taamaattoq § 21, imm. 1, oqaaseqatigiit siullit naapertorlugit.*

*Imm. 3. Ingerlaqqiffiusumik ilinniarnerni atuagarsornermik aningaasarsiaqarfisamillu ilinniarnermik paarlakaaffiusunut atatillugu ilinniartitaanermut ilinniarnerup atuagarsorfiunissaanut assingusumik, qaammatinut naatsorsukkamik, qiegassanik 12-it tikillugit tapiliutigineqartumik piffissaq tapiiffigineqarneq annertussuseqarpooq.*

*Imm. 4. Siusinnerusukkut ilinniagarisimasamit ingerlaqqilluni kingusinnerusukkut aallartinneqartumut naleqqiullugu ilinniakkami piginnaanernik pissarsiaqartoqarsimappat, ilinniakkami aallartinneqartumi tapiissuteqarnermi piffissami ilinniakkami pineqartumi piginnaaneqassutsit pissarsiarineqarfini qaammatit amerlaqataannik qiortagassanik ilanngaasoqassaaq.*

**§ 20. Ilinniarnernut ataasiakkaanut atatillugu atuanngiffeqarnermi akiliunneqarluni angalasoqarsinnaavoq, angalanissamut atasumik akiliunneqarluni angalasinnaanissamut piumasaqaatit naammassineqarsimappata, §§ 37-39 naapertorlugit.**

*Imm. 2. Atuanngiffeqarnermi akiliunneqarluni angalasoqarsinnaavoq, takuuk § 37, aatsaat ilinniagaqartoq:*

- 1) piffissap qinnuteqarfisap nalaani qiortartakkanik pissarsisarpat, aamma
- 2) ukiumi ilinniagaqarnersiuteqarfimmi 1. april killigalugu minnerpaamik piffissami tapiiffigineqarfissami qiegassanik ikinnerpaamik arfineq marlunnik sinneqarpat.

*Imm. 3. Juullimut ilinniagaqanngiffeqarnermut atatillugu, § 39 naapertorlugu, akiliunneqarluni aatsaat angalasoqarsinnaavoq ilinniagaqartoq:*

- 1) piffissami qinnuteqarfisap nalaani qiortartagassanik pissarsisarpat, aamma
- 2) ukiumi tapiiffigineqarfimmi 1. november killigalugu qiegassanik minnerpaamik arfineq-marlunnik sinneqarpat.

**§ 21. Piffissap ilinniagaqarfiusussap, tak. § 18, imm. 1, tassunga ilanngullugit bacheloritut kandidatitullu ilinniarerit imaluunniit ilinniarerit assingusut, katillugit qaammatit 60-it sinnerpagit killissarititaq naapertuutumik sivitsorneqarsinnaavoq. Ilinniakkamik taamatut ittumik ilinniartoq unitsitsippat killissarisap sivitsorneqarnissaa atorunnaarsinnejassaaq.**

*Imm. 2. Ilinniagaqartup qiegassanik aalajangersimasunik ilinniagaqarnersiuteqarnini sivitsorsimappagu, tak. § 18, imm. 1, taassuma assinganik qiortartakkamut killissarititaq sivitsorneqassaaq. Ilinniagaqartoq ilinniarnermik ilinniagaqarnersiuteqarfisamik sivitsuvigisamik unitsitsiguni killissarititami sivitsuinermi atunngisat assigisaannik qiortartakkat ilanngaatigineqassapput. Ilinniagaqartoq ilinniagarereersimasat ilanngunneqarnerisa nassatarisaannik piffissaq ilinniagaqarnersiuteqarfik sivikillineqarsimappat, tak. § 19, imm. 4, killissarititaasumik sivikillisaasoqassanngilaq, tak. § 18, imm. 1.*

*Imm. 3. Ilanniartoq nappaateqarneq uppernarsaavagineqartoq imaluunniit pissutsinik immikkut ittunik allanik pissuteqarluni ilinniakkaminik naammassinnissinnaanngippat, taamaattumillu ilinniarnermik nutaamik aallartitsilluni killissarititap sivitsorneqarnissaanik qjugassanik amerlanernik Ilinniagaqannersiuteqarnermut Naalakkersuisoqarfik tamatuminnga qinnuteqartoqarneratigut tunisisinnaavoq, tak. § 18, imm. 1. Killissarititami qjugassanik qanoq amerlatigisunik sivitsuisoqarnissa Ilinniagaqarnersiuteqarnermut Naalakkersuisoqarfip aalajangissavaa.*

*Imm. 4. Ilinniagaqartoq ingerlaqqiffiusumik ilinniarnermut Naalagaaffiup ilinniagaqarnersiuteqartitsineranit aningaasanik ilinniarnermi tunniunneqartartunik pissarsisimappat, killissarititat, tak. § 18, imm. 1, qaammatnik SU-mit pissarsianik ilanngaavagineqassaaq.*

*Imm. 5. Ilinniagaqartut ilinniarnermut nangitsiviusumut, qiortartakkanik atuiffiusumut, unitsitseqqaaratik ingerlaqqittut ilinniakkamut nutaamut tiguneqarnerup uppernarsaavigneratigut ilinniagaqarnerup aallartinneqartup piffissarititaa tapiissuteqarfusoq aallartiffagalugu qiortartakkanik marlunnik tapiiffigineqarsinnaapput. Qiortartakkat nunguppata ingerlaqqilluni ilinniarnermi piffissamit tapiiffiusumit qiortagassat tiguneqassapput. Ilinniakkat taakku marluk akornanni piffissami qiortartakkat tunniunneqassapput, piumasqaataasinnaallunu utertillu-git akilerneqarnissaat, tamatumani ilinniagaqartoq qaavatigut ilinniagarisassaminik aallartitsinngippat.*

*Imm. 6. Ilinniagaqartoq eqqumiitsuliornermi, nipilorsornermi kulturikkullu allatigut ingerlatsiviusumi ilinniagaqarnikoq ilinniarnerup naammassinerata kingorna ukioq ataaseq qaangiuttoq ilinniagaqarfigisamini suliffeqalinngippat ilinniakkap allap tamassuma kingorna ilinniagaqartup aallartitaata naammassineqarnissa siunertaralugu tamassuminnga qinnuteqartoqarneratigut killissarititaq ilaneqarsinnaavoq.*

**§ 22. Ilinniagaqartoq meerartaarnerminut imaluunniit qitornavissiartaarnerminut atatillugu ilinniagaqarnersiutiminut qiortartakkamik tapiliussamik pisinnaatitaaffeqarpoq, tamatumani ilinniagaqartup meeraq najugaqtigippagu aammalu ilinniakkaminik unitsitsigallarsimanngikkuni. Ernineq qitornavissiartaarnerluunniit pippat ilinniagaqartup ilinniarnini naammassiniarlugu sungiusarluni sulinerani qiortartakkamik immikkut tunniussisoqassanngilaq.**

*Imm. 2. Anaanaasoq qiortartakkanik 12-nik tapiliutinik pisinnaatitaavoq.*

*Imm. 3. Ataataasoq qiortartakkanik 6-nik tapiliutinik pisinnaatitaavoq.*

**§ 23. Elite Sport Greenlandimit innersunneqarluni Ilinniagaqarnersiuteqarnermut Naalakkersuisoqarfimmit timersornermut immikkut piginnaanillit timersortartutullu piukkunnassuseqartut ilinniarnerup aallartinneranit akuerisaasut ilinniarnerullu ingerlaneranik immikkut ittumik aaqqissuussamik Ilinniagaqarnersiuteqarnermut Naalakkersuisoqarfimmit akuerisaasumik ingerlataqartut piffissamut ilinniagaqarnersiuteqarfiusumut qiortartakkanik saniatigut tunineqarsinnaapput.**

*Imm. 2. Ilinniarnerup immikkut ittumik aaqqissuussap sivisussusissaatut ilimagineqartoq tunngavigalugu saniatigut qiortartakkanik qanoq amerlatigisunik tunisisoqarnissa Ilinniagaqarnersiuteqarnermut Naalakkersuisoqarfip aalajangiiffigissavaa.*

**§ 24. Ilinniagaqartoq tamanna pillugu qinnuteqareerneratigut piffissamut ilinniagaqarnersiuteqarfimmut tapiliutitut qiortartagassanik saniatigut 12-it tikillugit tunineqarsinnaavoq ilinniagaqartoq ilinniakkamini kinguaattoorsimappat, makkuninnga uppernarsarneqarsinnaasunik pissuteqarluni:**

**1) ilinniarfiup aqtsisoqarfiani, ilinniagaqartut siunnersuisoqatigiiviini ilinniarfimmullu atasunut peqatigiiffinnut assingusunut peqataappat,**

- 2) ilinniagaqartut inuttut imaluunniit ilinniagaqarnikkut atugarisaannut atatillugu suliaqarpat, imaluunniit
- 3) nammineq imaluunniit qaniginerpaasat nappaateqarnerinik toqunerannilluunniit pissuteqarpat.

*Imm. 2. Ilinniagaqarnersiuteqartitaanermut piffissarisap iluani kinguaattoorneq pisimassaaq.*

Ilinniagaqartup ilinniarnermini qaammatit kinguaattoorfigisaasa qjortartakkat amerlaqatigai.

**§ 25.** Ilinniagaqartoq qjortagassat pinnginnissaanik qinigaqarsinnaavoq, takuuk § 55. Qjortagassat pinnginnissaat killissarititamik imaluunniit piffissamik tapiissuteqarfimmik allannguinermik nassataqassanngillat. Qjortagassat pinngitsuugassatut qinikkat ilinniagarisamut atorneqarsinnaapput, kingusinnerusukkullu qaammammut ataatsimut qjortartakkat ataatsimik ilallugit tunniunneqarsinnaallutik (marlunnik qjortagaqarneq).

*Timersornermut immikkut piginnaanillit timersortartutullu piukkunnassuseqartunut ilinniartitsinerit immikkut aaqqissuussat*

**§ 26.** Timersornermut immikkut piginnaanillit timersortartutullu piukkunnassuseqartut ilinniartitsineri immikkut aaqqissuussani ilinniagaqarnersiuteqarsinnaapput, timersornermut immikkut piginnaanillit timersortartutullu piukkunnassuseqartut timersornertik pissutigalugu taperneqarsinnaasunik ilinniarnernik naammassinninnissamut periarfissaqanngippata.

*Imm. 2. Timersornermut immikkut piginnaanillit timersortartulluunniit piukkunnassuseqartut ilinniagaqarnerat imatut katiterneqassaaq timersorneq ilinniagaqarnerlu katillutik tamakkiisumik piffissaq tamaat ilinniarnerat annertussuseqarlutik. Ingerlatsineq Elite Sport Greenlandimiit inassuteqaateqartoqareerneratigut Ilinniagaqarnersiuteqarnermut Naalakkersuisoqarfimmit akuerineqassaaq.*

## Kapitali 5

*Aningasat ilinniarnermi tunniunneqartartut meeqyanullu tapisiat naatsorsorneqartarnerat*

**§ 27.** Ilinniakkanut qjortartakkanut ilaangitsunut aningasat ilinniarnermi tunniunneqartartut meeqyanullu tapisiat qaammatikkaartumik naatsorsorneqartarput. Ilinniagaqarnerup aallartinnerani, naammassinerani, unitsinnerani aamma unitsikkallarnerani aningasat ilinniarnermi tunniunneqartartut meeqyanullu tapisiat ullormut ilinniarfigisamut naatsorsorneqartarput. Ullormik aallartiffimmik naatsorsuinermi pisariaqartitanik piffissat angalaffit najugaqarfullu ilanngunneqassapput. Ilinniarfiup sungiusaammillu suliffiup akornanni paarlaassinermi atuarfimmiinnermi ullut ilinniartitsiffiusut ataasiakkaarlugit aningasat ilinniarnermi tunniunneqartartut naatsorsorneqartarput.

*Imm. 2. Tamatumunnga allaganngorlugu qinnuteqaatip tiguneranit ullormit aallartittumit aningasat ilinniarnermi tunniunneqartartut meeqyanullu tapit tunniunneqartarput. Meeraq tapisiaqarfiup nalaani inunngorpat meeqyanut tapisiat piffissamit inunngorfiusumit tunniunneqassapput ilinniagaqartoq meeqyanut tapisiat pilligit qinnuteqaammik piffissamit inunngorfiusumit qaammatit marluk qaangiutinnginnerini nassitsisimappat.*

*Imm. 3. Aningasat ilinniarnermi tunniunneqartartut meeqyanullu tapisiat qaammatikkaartumik kingumoortumik tunniunneqartarput, qaammammiillu qinnuteqaatip tiguneqarfianit siusinnerpaamik aallartissinnaallutik, aammalu nalunaarummi ilinniagaqarnersiuteqarnissamut piumasaqaatinik ilinniagaqartup eqquutsitsinera apeqqutaatinneqarluni.*

*Imm. 4. Ilinniagaqartup piffissamit ilinniagaqarunnaarfigisaanit taamaalillunilu ilinniagaqarnersiutinik pisinnaatitaafeerunnerani aningasat ilinniarnermi tunniunneqartartut meeqyanullu tapisiat*

tunniunneqarunnaassapput. Ilinniagaqartup piffissami ilinniagaqqilerfianit akiliisarneq aallarteqqinnejqassaaq.

*Imm. 5. Ilinniagaqartup takkutinngitsoornerata malitsigisaanik aningasat ilinniarnermi tunniunneqartartut aamma meeqlanut tapisiat annertussusaannik annikillisaasoqarsinnaanngilaq, takujulli § 29.*

**§ 28. Ilinniakkanut qiortartakkamut ilaasunut qaammatit ilivitsukkaarlugit qiortartakkat naatsorsorneqartarpuit.**

*Imm. 2. Ilinniagaqartoq ilinniarnermi aallartinnerani ilinniagaqartuunerullu nalaani qiortartakkanik pisinnaatinneqassaaq ilinniagaqartoq qaammatip akiliiffiusussap ulluisa 15-iat killigalugu ilinniagaqalersuusimaguni. Ilinniagaqartoq ilinniarnerup aallartinnerani ilinniagaqalernera qaammatip akiliiffiusussap ulluisa 15-iat qaangiutereersoq ilinniagaqalersuusimaguni allakkatigut qinnuteqaateqarnermigut qiortartakkani ataatsimik siuartitsivigisinnaavaa, taannalu ilutigalugu killissarititaasunit ilinniagaqarnersiuteqarfiusinnaasumiillu ilanngaatigineqassalluni. Ilinniagaqartoq ilinniagaqarnerminik aallartitsinerminut naammassinninnerminullu atatillugu ilinniagaqartuusimaneranik aalajangiiniarnermi naatsorsuutigineqassapput piffissat angalaffiullutillu akunniffiusarsimasut, ilitsorsorneqarnermik ingerlassat ilinniarnerup aallartinnerani pisut ilanggullugit.*

*Imm. 3. Qiortartakkat qaammatikkaartumik akilerneqartarpuit, ilinnigaqarnersiuteqarnissamillu qinnuteqaammik qaammammi tigusiffimmit aallartinneqartarlutik, aammalu nalunaarut malillugu ilinniagaqarnersiuteqarnissamut piumasaqaatinik ilinniagaqartoq naammassinnissimassalluni. Taamaattoq meeqlanut tapiissutit erninerup nalaanit tunniunneqarsinnaalertarpuit, tamatumani ilinniartoq ernereernermermi kingorna kingusinnerpaamik qaammatit marluk qaangiutinnginneranni meeqlanut tapiissutisiaqarnissamik qinnuteqaateqarpat.*

*Imm. 4. Ilinniagaqartup piffissamit ilinniagaqarunnaarfisaanit taamaalillunilu ilinniagaqarnersiuteqarnissamik pisinnaatitaaffeerunneranit qiortartakkat tunniunneqartarunnaassapput. Piffissaq taanna qaammammi ullut 15-iisa kingornaniippat qiortartakkanik akiliisarneq qaammammi tullinnguuttumi unitsinneqassaaq.*

*Imm. 5. Ilinniagaqartup piffissami ilinniagaqqilerfianit qiortartakkanik akiliisarneq aallarteqqinnejqassaaq. Piffissaq taanna qaammammi ullut 15-iisa kingornaniippat qaammatip tullianiit qiortartakkanik akiliisoqaaqtalissaq.*

*Imm. 6. Ilinniagaqartup takkutinngitsoornerata malitsigisaanik aningasat ilinniarnermi tunniunneqartartut qaammatikkaartut aamma meeqlanut tapisiat annertussusaannik, qiortartakkap annertussuseqataanik, annikillisaasoqarsinnaanngilaq, takujulli § 29.*

**§ 29. Kommunalbestyrelsi kommunimi Majoriami ilinniartunut atatillugu aningasanik ilinniarnermi tunniunneqartartunik annikillilerisinnavaq, tak. imm. 2, tamatumani pineqartoq ilinniartitsinissanut aalajangersakkanut imaluunnit sungiusammik sulifflusunut, ilinniarfiup akuerisimanngisaanik orniguttanngippat imaluunniit kingusinaarluni orniguttarpat.**

*Imm. 2. Aningasanik ilinniarnermi tunniunneqartartunik imm. 1 malillugu annikillilerineq, takuuuk § 12, imm. 1, nr. 9 naatsorsorneqassaaq qaammammut agguaqatigiissillugu nal. akunneri 173,3-nik agguarlugu, ilinniagaqarnersiutit nalinginut nalimmassarlugit. Tiimimut nalinga taamaalilluni § 12, imm. 1, nr. 9 malillugit aningasat aalajangerneqartut 173,3-mik agguarlugit naatsorsorneqassaaq.*

## *Immikkut tapiissutit*

### *Ineqarneq*

**§ 30.** Ilinniarnerup aallartinneranut, unitsinneranut imaluunniit naammassineranut atatillugu tamanna pillugu qinnuteqarnermi pissutsit immikkut illuinnartut atuutsillugit ilinniagaqartup ineqarallarnermut sap. akunneri pingasut tikillugit aningaasartuutit tamakkiisumik imaluunniit ilaannakortumik akilersissinnaavai, tassunga ilanngullugit:

- 1) angallannermi pissutsit tunngavigalugit ineqarallartariaqarpal, imaluunniit
- 2) ilinniartup nammineq inissarsiornera, imaluunniit ineqartuaannarnera imaluunniit allatut ineqarallarneranut pissutsinik ilinniartup pisuussutigingisaanik pissuteqartumik iluatsissimangippat.

*Imm. 2.* Aningaasartuutit akiliussissutigineqartut ilinniarnermi taarsigassarsianngortinneqassapput, taamatullu ilinniagaqarnersiutit pillugit Inatsisartut inatsisaanni kapitali 5-im i maleruagassatut aalajangiussat naapertorlugit ernialersorlugillu utertillugit akilersorneqassallutik.

**§ 31.** Ilinniagaqartut Kalaallit Nunaanni ilinniarnerminni ilinniartut inaanni najugaqarfiup akiata assinganik ineqarnermut matussutissanik tamassuminnga qinnuteqartoqareerneratigut tapiiffigineqassapput,

- 1) ilinniarfimmiinnej qaammatit arfinillit inorlugit sivisussuseqarpal,
- 2) ilinniagaqartoq ilinniartut inaanni ineqartinneqaruni imaluunniit Ilinniagaqarnersiuteqarnermut Naalakersuisoqarfiup innersuutigisaanut inissinneqaruni, aamma
- 3) ilinniagaqartoq namminerisamik inoqutigiinnik pilersuisuuppat, najugaqarnermik upernarsaammik aamma attartuinermik isumaqtigisummik akuerisamik, piginneqatigiiffimmit upernarsaammik imaluunniit piginnittuunermik upernarsaammik upernarsaateqaruni.

### *Akiliunneqarluni angalanerit*

**§ 32.** Ukununnga atatillugu akiliunneqarluni angalasoqarsinnaavoq:

- 1) ilinniagaqarnerup aallartinnerani, unitsinnerani, unitsinneqarallarnerani naammassineraniluunniit, takukkit §§ 34-35,
- 2) ilinniagaqarnermik unitsitsigallarnermi, takuuk § 36,
- 3) sulinngiffeqarneq, takukkit §§ 37-38,
- 4) juullimi atuanngiffeqarnermi, tak. § 39,
- 5) ilinniakkamut attuumassuteqartumut ilinniarfimm allamiinnermi il.il., takuuk § 40, imaluunniit
- 6) napparsimasoqarnerani toqusqarneranilu, tak. § 41.

*Imm. 2.* Angalanermik akiliussisoqassanngilaq ilinniagaqartoq suliffimmini suliunnaarluni imaluunniit suliffissamini sulilissalluni sulisitsisup akiligassaanik angalassappat.

*Imm. 3.* Aapparisat akiliunneqarlutik angalasinnaannigillat, tak. § 6, kisiannili § 35, imm. 3-mi aamma § 39, imm. 3-mi 4-milu pisut taaneqartut pinnagit.

**§ 33.** Angallassinermut periarfissat sapinngisamik akikinnerpaat atorneqarneranni bilitsimut angalatillunilu uninngasariaqarnerni aningaasartuutinut tamakkiisumik matussutissat akiliunneqarluni angalanernut ilaapput. Bilitsinik utertinneqarsinnaanngitsunik atuinngitsoqarsimatillugu, ilinniagaqartunut 18-it sinnerlugit ukiulinnut ilinniарnermut taarsigassarsisitsisoqarsinnaavoq, tak. § 51, imm. 4, bilitsimik taartissamik pisinissamut. Ilinniarnermut taarsigassarsiat ernialersorneqarlutillu akilerneqassapput ilinniagaqarnersiutit pillugit Inatsisartut inatsisaat kapitali 5-im i maleruagassat malillugit.

*Imm. 2.* Aqqut alla atorlugu angalasoqarsimappat angallassisinnaanermi akikinnerpaami aningasartuutit killigalugit matussusiisoqassaaq.

*Imm. 3.* Bilit sinik allanguinerni aningasartuutit matussuserneqassanngillat.

*Imm. 4.* Taxarnermi, timmisartoqarfip bussiinut aamma timmisartoqarfimmum qimuttuutsunut aningasartuutit matussuserneqarsinnaanngillat.

**§ 34.** Ilanniagaqarnissap aallartinneranut atatillugu aalajangersimasumik angerlarsimaffimmijit illoqarfimmum ilinniarfiusussamut timmisartoqarfimmum, umiarsualivimmut imaluunniit qimuttuutsut unittarfiannut qaninnerpaamut akikinnerpaaq atorlugu angalanermut akiliussisoqassaaq, taamaattorli tak.

§ 33, imm. 4. Ilanniakkamik aallartitsinermi imaluunniit ilinniakkamut naammassisamut pissusissamisoortumik nangitsiviusumut, Kalaallit Nunaanni aalajangersimasumik kingullertut angerlarsimaffigisap aamma illoqarfip ilinniarfiusup qaninnerpaamik timmisartoqarfia, umiarsualiviata imaluunniit qimuttuutsut unittarfiata akornanni aqqummut akiliunneqarluni angalasoqassaaq pisattanik assartuinertaqanngitsumik, naak ilanniagaqartoq illoqarfimmil ilinniarfimmim aalajangersimasumik angerlarsimaffeqaannaraluartoq, taamaattorli tak. § 33, imm. 4.

*Imm. 2.* Ilanniagaqarnerup naammassineranut atatillugu illoqarfimmijit ilanniagaqarfiusumiit ilinniarnerup aallartinnginnerani Kalaallit Nunaanni aalajangersimasumik najugaqarfimmil kingullermi mittarfimmum, umiarsualivimmut qimutsuitsulluunniit unittarfiannut qaninnermut akiliunneqarluni angalasoqassaaq, takuulli § 33, imm. 4. Piffissap ilinniarnermik naammassiffiusup kingorna kingusinnerpaamik ukioq ataaseq qaangiuttoq angalasoqassaaq.

*Imm. 3.* Ilanniagaqarnermik unitsitsinermi unitsitsigallarnermilu, takuuk § 17, imm. 2, illoqarfimmum ilinniarfiusumut naleqqiullugu timmisartoqarfip, umiarsualiviu imaluunniit qimuttuutsut unittarfiata qaninnerpaap aamma ilanniagaqarnerup aallartinnerani Kalaallit Nunaanni kingullermik aalajangersimasumik angerlarsimaffip akornanni akiliunneqarluni angalasoqassaaq, taamaattorli tak. § 33, imm. 4. Ilanniagaqarnerup aallartinneranut atatillugu illoqarfimmum ilanniagaqarfimmum akiliunneqarluni angalanissaq akuerineqarsimappat. Ilinniarnerup unitsinnerata unitsikkallarnerataluunniit kingorna kingusinnerpaamik ukioq ataaseq qaangiuppat angalasoqassaaq.

*Imm. 4.* Ilinniartitaanerup aaqqissuussaanerata pisariaqartippagu, aammalu ilitsersuisumit nikinnissaq allakkatigut akuerineqartillugu assigiinngitsuni ilinniarfinniinnerit, atuarfimmijinnerit aammalu ilinniarnermut atatillugu sungiusammik suliffit akornanni akiliussisoqarluni angalasoqassaaq.

*Imm. 5.* Akiliunneqarluni angalanissamut akiliussisoqarsinnaavoq Kalaallit Nunaanni ornitamut allamut, ilinniagaqartup ornitassarinngikkaluagaanut, ornitassamut allamut aningaa-sartuutit annikinneruppata, ornitassavimmut sanilliullugu.

*Imm. 6.* Ilanniagaqarnersiuteqarnermut Naalakkersuisoqarfip qinnuteqaat tunngavigalugu imm. 2 oqaaseqatigiinni siullerni, aamma imm. 3 ornitassamik orniginani Kalaallit Nunaanni sumiiffimmum allamut ingerlanissaq immikkut akuersissuteqarfifigisinnaavaa, taamaasillunilu Kalaallit Nunaanni ornitassamut allamut akiliunneqarluni angalanissaq akilersinnaallugu, pissutsit immikkut ittut tamanna pissutissaqartippassuk, tamatumani aamma ilinniarnerup naammassineranut atatillugu angerlarnissami imaluunniit taamaatitsinermi, upernarsarneqarsinnaappat ilanniagaqartoq illoqarfimmil pineqartumi allami akiliunneqarluni angalaffiuniartumi atorfininnissaminut isumaqatigiissuteqarsimasoq, imaluunniit ilinniagaqartup ilaqtai qaninnerit illoqarfimmum allamut pineqartumut nuussimappata.

*Imm. 7.* Ilanniagaqartoq Ilanniagaqarnersiuteqarnermut Naalakkersuisoqarfimmum tamanna pillugu qinnuteqareernermigut akiliunneqarluni angalanissamik akuerineqarsinnaavoq, siumut utimullu

angalanissamut, illoqarfip Kalaallit Nunaanni Danmark-imiluunniit ilinniarfiusup aammalu Kalaallit Nunaanni illoqarfip angerlarsimaffiusup akornanni, tak. § 37, imm. 2, misilitseqqinnissaq imalunniit napparsimanermut atatillugu misilitsinnissamut atatillugu,

- a) misilitseqqinnissaq imaluunniit napparsimanermut atatillugu misilitsinnissaq ingerlanneqassappat ilinniagaqartup illoqarfimmi ilinniagaqarfiusumi najuutinnginnerani, taamaalu § 35-mi aalajangersakkat tunngavigalugit akiliunneqarluni angalanermik akuerineqassalluni, aamma
- b) misilitseqqinnissamut imaluunniit napparsimanermut atatillugu misilitsinnissamut pisussaaffik ilinniagaqartup aatsaat paasisimappagu § 3, imm. 5 naapertorlugu akiliunneqarluni angalanissamik akuersissutip tunniunneqareerluni inniminnerneqareernerata kingorna.

*Imm. 8. Piffissap qaammatinik pingasunik sivisussusillip iluani taamaallaat akiliunneqarluni angalanissamik ataatsimik imm. 7 naapertorlugu akuersissuteqartoqarsinnaavoq.*

**§ 35.** Ilinniarnerup aallartinneranut, unitsinneranut, unitsikkallarneranut imaluunniit naammassineranut atatillugu ilinniagaqartumut ilinniarnerup ingerlanerani angalanermik akiliussisoqartillugu meeqqanut 18-it inorlugit ukiulinnut akiliussisoqarsinnaavoq, taamaattorli takuu imm. 5, tamatumani:

- 1) meeraq ilinniagaqartumi najugaqartillugu,
- 2) meeraq ilinniagaqartup nammineq qitorrippagu, imaluunniit ilinniagaqartup aapparisaata qitorrippagu, takuu § 6,
- 3) ilinniarneq imaluunniit ilinniarfimmuinneq minnerpaamik qaammatinik qulinik sivisussuseqarpat, aamma
- 4) ilaqtariinnut inissami naapertuuttumi inissiisoqarneranik meeqqamullu paaqqinniffiusinnaasumik pissarsisimanermik upternarsaasoqarsinnaappat.

*Imm. 2. Ilinniartitaaneq ilinniarfimmuinneqluunniit Kalaallit Nunaata avataani, tassunga Danmarki ilanngullugu, pisoq qaammatinit qulinit sivikinneruppat meeqqat angalanermut akiliunneqarsinnaanngillat. Ilinniagaqarnersiuteqarnermut Naalakkersuisoqarfik tamanna pillugu, pissutsit immikkut ittut atuutsillugit immikkut akuersissuteqarsinnaavoq, tassunga ilanngullugu meeqqap qassnik ukioqarnera (0-6-inik ukiullit), inissaqarnikkut atugarisat aamma meeqqamik paaqqinnitoqarsinnaaneranik atugarisat pisariaqartippassuk.*

*Imm. 3. Ilinniagaqartup aapparisaa, takuu § 6, angalanermut akiliunneqassaaq meeqqat akiliunneqarlutik angalanissaat imm. 1 najoqqutaralugu akuerineqarsimappat.*

*Imm. 4. Ilinniagaqarnerup naammassineranut, unitsinneqarneranut imaluunniit unitsikkallarneqarneranut atatillugu ilinniarfimmut meeqqat nassarneqartut, ilinniarnerullu naammassinerani imaluunniit unitsinnerani 18-inik ukioqalereersimasut angalanermut akiliunneqassapput.*

**§ 36.** Ilinnianngiffeqarallarnermi, tassunga ilanngullugu naartunermi ernereernermilu ilinnianngiffeqarallarnermi, angalanermut akiliussisoqassaaq:

- 1) ilinnianngiffeqarallarneq ilinniarfimmit akuerineqarsimappat,
- 2) ilinnianngiffeqarallarneq qaammatit pingasut sinnerlugit sivisussuseqarpat,
- 3) ilinnianngiffeqarallarnerup aallartinneraniit qaammatip ataatsip iluani angalaneq aallartinneqarpat, aamma
- 4) ilinniagarisap aallarteqqinnissaa siusinnerpaamik qaammammik ataatsimik sioqqullugu illoqarfimmum ilinniagaqarfiusumut utimut angalaneq aallartinneqarpat.

**§ 37.** Ukiup ilinniarfiusup iluani sulinngiffeqarnermut atatillugu siumut utimullu angalanermut illoqarfip ilinniarfigisap aammalu nammineq qitornarisat Kalaallit Nunaanni aalajangersimasumik najugaasa akornanni imaluunniit ilinniagaqartup angajoqqaarisallunniit kingullermik Kalaallit Nunaanni aalajangersimasumik najugaasa akornanni akiliunneqarluni angalasoqarsinnaavoq. Tamannali atuutinngilaq ilinniagaqarneq ukumi pineqartumi decembarip aallaqqaataa nallertinnagu naammassineqassappat. Utimut angalanissaq kingusinnerpaamik pissaaq ilinniagaqarnerup aallartinnissaanut atatillugu.

*Imm. 2.* Imm. 1 naapertorlugu akiliunneqarluni angalaneq Kalaallit Nunaanni najugaqarfissamut allamut angalanertut pisinnaavoq kingullermik aalajangersimasumik najugarisamut angalanermut aningasartuutit ornitassamut aningasartuutissat qaangersimanngippatigit.

*Imm. 3.* Imm. 1 aamma 2 naapertorlugit siumut utimullu angalatitsisoqartassaaq meeqqanut 18-it inorlugit ukiulinnut ilinniagaqartumilu najugalinnut ilinniagaqartullu pilersuisussaaffigisaanut.

*Imm. 4.* Bilitosit angalanissaq kingusinnerpaamik sapaatit akunneri sisamat sioqqullugit inniminnerneqassapput. Kingusinnerusukkut inniminniinermi aningasartuutit annertuseriaatigisinnaasaat matussuserneqassanngillat.

**§ 38.** Ilinniagaqartut ilinniaqqinnissamut piareersaataasumik naammassininnerminnut, iliniarnertuuungorniarluni ilassutitut ilinniarnermut imaluunniit bacheloritut ilinniarnermut atatillugu Kalaallit Nunaanni aalajangersimasumik kingullertut angerlarsimaffigisamut akiliunneqarlutik angalasinnaatitaasut, tak. § 34, imm. 2, oqaaseqatigiit pingajuat, aammalu Kalaallit Nunaanni aalajangersimasumik kingullertut angerlarsimaffigisap illoqarfimmum ilinniarfiusumut naleqqiullugu timmisartoqarfiup, umiarsualiviup imaluunniit qimuttuitsut unittarfiata qaninnerpaap akornanni angalanermut akiliunneqarsinnaatitaasut ilinniarnerminnik naammassisaminnut atatillugu ilinniarnermik nutaamik ingerlaqqillutik sivitsuisut, tak. § 34, imm. 1, oqaaseqatigiit aappaat, angalanernik pineqartunik nuussisinnaapput § 37 malillugu siumut utimullu angalanissanngorlugu. Nuussinermik nalunaaruteqartoqassaaq siumut-utimullu angalanissaq kingusinnerpaamik qaammatit pingasut sioqqullugit.

**§ 39.** Ilinniagaqartumut, qitornanut najugaqtigingisaminut angajoqqaatut oqartussaassuseqartumut, meeqqat arlaata Kalaallit Nunaanni najugaata aalajangersimasup illoqarfullu ilinniarfigisap akornanni juullimut siumut utimullu angalatitsisoqarsinnaavoq. Tamannali atuutissanngilaq ilinniagaqartup meeraq ilinniagaqarfiusumut ukumi ilinniarfiusumi tassani ilagisimappagu, imaluunniit ilinniagaqartup ilinniarnini qaammatisutit ukiup tulliani 1. marts nallertinnagu naammassisappagu.

*Imm. 2.* Meeqqat, aappaasoq pinnagu, tak. § 6, illoqarfimmum ilinniarfigisamut ilagineqarsimappata ilinniagaqartoq meeqqallu siumut utimullu angalanissamut akiliunneqassapput aappaasoq aamma meeqqat ilaannut minnerpaamik ataatsimut ilinniagaqartoq angajoqqaatut oqartussaassuseqarpat. Illoqarfip ilinniarfigisap aammalu aappaasup aalajangersimasumik Kalaallit Nunaanni najugaata akornanni siumut utimullu angalanermut akiliussisoqassaaq.

*Imm. 3.* Illoqarfik ilinniarfigisaq Kalaallit Nunaanniippat imm. 2 malillugu angalanermut taarsiullugu aappaasoq inooqataasorluunniit meeqqallu ilinniartup angajoqqaatut oqartussaaffigisai illoqarfimmum ilinniarfigisamut siumut utimullu angalanissamut akiliunneqarsinnaapput. Imm. 2 naapertorlugu angalanermut akiliunneqarsinnaasumut naleqqiullugu aningasartuutit annertuseriaatigisinnaasaat matussuserneqassanngillat.

*Imm. 4.* Illoqarfik ilinniarfigisaq Kalaallit Nunaata avataaniippat, tassunga Danmarki ilanngullugu, imm. 2

malillugu angalanermut taarsiullugu aappaasoq inooqataasorluunniit meeqqallu ilinniartup angajoqqaatut oqartussaaffigisai illoqarfimmut ilinniarfigisamut siumut utimullu angalanissamut akiliunneqarsinnaapput, ilinniagaqarnermi pissutsit immikkut ittut tassani atuuppata, tassunga ilanngullugit soraarummeernerit aamma immikkut sammisamik suliaqarneq. Imm. 2 naapertorlugu angalanermut akiliunneqarsinnaasumut naleqqiullugu aningaasartuutit annertunerulersimappata matussuserneqassanngillat.

*Imm. 5. Illoqarfimmi ilinniarfimmiinnej qaamatinit qulinit sivikinneruppat imm. 1-4 malillugit angalanermut akiliussisoqarsinnaanngilaq.*

*Imm. 6. Bilitsit aallanginnermit kingusinnerpaamik sapaatit akunneri sisamat sioqqullugit inniminnerneqassapput. Kingusinnerusukkut inniminniisoqarneratigut aningaasartuutaanerusinnaasut matussuserneqassanngillat.*

**§ 40.** Ilitsersuisumit inassuteqartoqareerneratigut Ilinniagaqarnersiuteqarnermut Naalakkersuisoqarfik tamassuminnga qinnuteqartoqareerneratigut aalajangiisinnaavoq ilinniagaqartup angalanernut aningaasartuutigisariagaanut aammalu akunninnermut aningaasartuutigisariagaanut tamakkiisumik matussusiisoqarnissaanik, takukkit imm. 2-5 makkununnga atatillugu:

- 1) ilinniagaqarnermik aaqqissuussinermi taaneqarsimasunik pinngitsoorani naammassisassanik pingarnerusunillu naammassisassanik suliarinninnermi imaluunniit immikkut sammisaq pingarnerusumilluunniit naammassisassamik suliarinnineq ilinniagaqarnermi pineqartumi immikkut pisinnaasaqarfiulerpat,
- 2) ilinniagassanut tunngasunik suliaqarluni qaammammit ataatsimit sivisunerusumik suliamik sungiusarfimmiinnerni,
- 3) ilinniagassanut tunngasunik suliaqarluni ilinniarfimmi allamiinnermi, ilinniakkamut tunngatillugu pinngitsoorani ilinniarfimmiittoqartussaappat ilinniagaqarnermullu aaqqissuussinermi taaneqarsimappat imaluunniit ilinniarfimmiinnej ilinniagaqarnermi pineqartumi immikkut pisinnaasaqarfiulerpat,
- 4) ilinniagaqalernissamut pinngitsoorani misilitsittussaanermi, aamma
- 5) illersornissaqarfimmi tiguneqarnissamut misilitsinnermi.

*Imm. 2. Kalaallit Nunaanni Kalaallillu Nunaata avataani ilinniarfimmiinnermi aningaasartuutinut pisariaqartunut tapiissutit aalajangerneqassapput ilinniarfimmiinnermi qaammammut aningaasartuutinut procentinngorlugit, taamaallilluni ilinniarfimmiinnermi aningaasartuutit*

- 1) kr. 4000 tikillugit 100%-imik matuneqassallutik,
- 2) kr. 4000 aamma kr. 10.000 akornanniiitt 75%-imik matuneqassallutik, aamma
- 3) kr. 10.000 sinnerlugit 50%-imik matuneqassallutik, annertunerpaamilli kr. 10.000.

*Imm. 3. Imm. 1-imi 2-milu aningaasartuutit taaneqartut tamarmik pisariaqartutut uppernarsarneqarsimassapput ilitsersuisumillu siumut akuerineqarsimassallutik. Tapiissutit annertunerpaamik semesterimut ataatsimut tapiissutigineqartassapput.*

*Imm. 4. Angaleaq taamaaliorqarsinnaappat ukumoortumik ilinniagaqannginnermi angalanermut atatillugu inissinneqassaaq, takuu § 37.*

*Imm. 5. Paasisassarsiorluni angalanernut paasisassarsiornernullu tapiisoqarsinnaanngilaq.*

**§ 41.** Ilinniagaqartup ilaquaani qanignerpaasaani napparsimaruluttoqartillugu toqusqartilluguluunniit ilinniagaqartumut taassumalu meeraanut, ilinniagaqartumi najugaqarpata, angalanermut aningaasartuutit allanit matuneqarsimatinnagit akiliussilluni angalatitsisoqassaaq. Akiliussilluni angalatitsisoqassaaq illoqarfiup ilinniarfiusup qanignerpaasallu pineqartup najugaata akornanni siumut utimullu angalanertut.

*Imm. 2. Napparsimaruloornerup kingunerisaanik toqusqartillugu, tamatumunngalu atatillugu*

ilinniagaqartup akiliunneqarluni angalanissamik akuersissuteqarfingineqarfingisaani, ilinniagaqartoq Kalaallit Nunaanni ilisinissamut akiliunneqarluni angalasinnaatitaavoq, tamanna najugarisap avataani pissappat, aammalu illoqarfimmut ilinniagaqarfingisamut uteqqinnermut.

*Imm. 3. Aallarnissaq sioqqullugu nakorsap nalunaarutaatigut uppernarsarneqassaaq nappaat ima peruluutaatigisoq ilaquaasut pisarnertut aggersarneqarlutik. Toqusoqarnera toqusup toquneranik uppernarsaatitut allagartap assigisaataluunniit nuutinneranik uppernarsarneqassaaq.*

*Imm. 4. Ilinniagaqartoq toquppat, illoqarfimmut ilinniarfiusumut atatillugu mittarfimmit, umiarsualivimmit imaluunniit qimutsuitsunut unitarfimmit, takujulli § 33, imm. 4, ilaqtutat najugaqarfiannut toqusup angallanneqarneranut tapiisoqassaaq. Akiliunneqarluni angalanissamut ilaapput toqusumik Kalaallit Nunaannut angallassinermi aningaasartuutit pisariaqartut pisortanit piumasaqaatinik tunngaveqartut tamakkerlugin.*

#### *Ilinniagaqarnermut atatillugu allamiinneq*

**§ 42.** Ilinniagaqartup tapiiffigineqarsinnaasumik ilinniarneranut atatillugu ilinniagaareersumik nuussinermi Kalaallit Nunaata avataaniittooqarsinnaavoq, tassunga ilanngullugu Danmarkimi, tamakkiisumik ilaannakortumilluunniit tapiiffigineqarsinnaasutut Ilinniagaqarnersiuteqarnermut Naalakersuisoqarfip akuerisinnavaa. Tamassuminnga qinnuteqartoqareerneratigut akuersisoqartassaaq. Ilinniagaqarnermut atatillugu allamiinnerup aallartinnginnera kingusinnerpaamik qaammat ataaseq sioqqullugu qinnuteqaat Ilinniagaqarnersiuteqarnermut Naalakersuisoqarfimmut tunniunneqassaaq.

*Imm. 2. Ilinniagaqarnersiuteqarnermut Naalakersuisoqarfik akuersinermut piumasaqaateqarsinnaavoq, tassunga ilanngullugu assersuutigalugu paassisutissanik nassiussinissaq aamma assersuutigalugu tamakkiisumik ilaannakortumilluunniit nammineq akiliuteqarnermi, tassunga ilanngullugu ilinniagaqarnermi akiliutinit nammineq akiliuteqarnermi.*

#### *Pisattanik assartuisarneq*

**§ 43.** Ilinniagaqarnerup aallartinneranut, unitsinneranut imaluunniit naammassineranut atatillugu angalanermut akiliussisoqarnissaa akuersissutigineqarsimagaangat, taamaattorli tak. § 34, imm. 1, oqaaseqatigiit aappaat, pisattanik assartuinermut akiliussisoqarsinnaavoq.

*Imm. 2. Pisattanik assartuinermut akiliussisoqarsinnaavoq:*

- 1) ilinniagaqartunut qaammatit arfinillit sinnerlugit ilinniarfimiittussanut imaluunniit sungiusaammik suliffimiittussanut, meeqqat akiliunneqarlutik angalanissaat akuersissutigineqarsimagaangat,
- 2) ilinniagaqartunut appariinnut angalaqatigiittunut ilinniartup aappaanut, tak. § 6, ilinniarnissaq qaammatinik 20-nik sivisunerussatut naatsorsuutigineqarpat,
- 3) qaammatinit 20-nit sivisunerusumik ataannartumik ilinniareerluni angerlarnermut atatillugu, imaluunniit
- 4) pisattat ornigassamut angallanneqarnerannut akiliussisoqarsimatillugu, takukkit nr. 2 aamma 3.

*Imm. 3. Ilinniagaqarnermik unitsitsisoqarallartillugu, tassunga ilanngullugit ilinniagaqarnermik unitsitsigallarneq pisattanik assartuinermut akiliussisoqarsinnaanngilaq.*

*Imm. 4. Ilinniagaqartunut Kalaallit Nunaata Nunallu Avannarliit avataani ilinniagaqarnermi ilinniagaqarnersiuteqarnissamik akuerineqartunut pisattanik assartuinermut akiliussisoqarsinnaanngilaq.*

**§ 44.** Usinik umiarsuarmik angallassinermut akiliussinermi pineqartut tassaapput containeri mikisoq ataaseq imaluuniit nassiussatut 5,5 m<sup>3</sup>-itut initutigisut angallanneqarnerat sillimmaserneqarnerallu ilanngullugit, nassiussat ataatsit 100.000 kr.-it tikillugit sillimmasersimasut.

*Imm. 2.* Pisuni immikkut ittuni umiarsuartigut angallassinissaq ajornarallartillugu toqqortarinnikkallartitsinermut aningaasartuutinik matussusiisoqarsinnaavoq.

*Imm. 3.* Ilinniagaqartut Kalaallit Nunaannit allamukartut Kalaallit Nunaaliartulluunniit nassatanut akiliunneqarneranni poortuinermut puuiaanermullu aningaasaliineq ilanngunneqartarpooq.

*Imm. 4.* Ilinniagaqartut appariit, tak. § 6, isorartoqatigiimmik angalasussat annerpaamik containerimut mikisumut ataatsimut nassiussanulluuniit 5,5 m<sup>3</sup>-isut initutigisunut akiliunneqarsinnaapput. Appariit tamarmik ilinniakkankit tamarmik immikkut qaammatit 20-t sinnerlugit sivisussuseqartuni ilinniagaqarsimappata containerit mikisut marluk imaluunniit nassiussat katillugit 11 m<sup>3</sup>-isut initutigisut akiliunneqarsinnaapput.

*Imm. 5.* Ilinniagaqartut pingasunik amerlanernilluunniit meeraqartut annerpaamik containerit mikisut marluk imaluunniit nassiussanut katillugit 11 m<sup>3</sup>-isut initussuseqartunut akiliunneqarsinnaapput.

**§ 45.** Nassatanut akiliussisoqartillugu, taamaattorli umiarsuartigut assartuinissaq ajornartillugu, angalanermut akiliunneqartumut ataatsimut naammaginartumik upternarsaasiinikkut ilinniarnerup aallartinnerani, unitsinnerani naammassineraniluuniit timmisartukkut nassatanut 10 kg angullugu oqimaappallaarutaasunut aningaasartuutit utertinneqarsinnaapput.

**§ 46.** Pisattanik assartuinermut akiliussisoqassanngilaq ilinniagaqartoq suliffimmini suliunnaarluni imaluuniit suliffissamini sulilissalluni sulisitsisup akiligassarisaanik pigisanik angallassisappat.

#### *Illassutitut atuarneq aamma katsorsartinnermut aningaasartuutit*

**§ 47.** Kalaallit Nunaata avataani, tassunga Danmarki ilanngullugu, atuarnernut tamakkiisumik matussusiisoqartassaaq pineqartup ilinniagaqarnerani ilinniartitsissummut tunngasumut kalaallit oqaasiinik ilinniartitsinermi immikkullu ilinniartitsinermi pisariaqartumi peqataanermut aningaasartuutinut. Immikkut atuarnissamik pisariaqartitsineq ilinniarfimmi ilitsersuisup inassuteqaataanik upternarsaaserneqartassaaq.

**§ 48.** Kalaallit Nunaata avataani, tassunga Danmarki ilanngullugu, ilinniagaqartut nakorsamit upternarsaaserneqartumik anigorsinnaanngisaminnik nappaateqaraangata nakorsamit innersunneqartunik nakorsaatinut aningaasartuutaat matussuserneqassapput.

*Imm. 2.* Kalaallit Nunaata avataani, ilanngullugu Danmarkimi, ilinniagaqartut nakorsamit innersunneqartumik katsorsarneqarnermut aningaasartuutaat matussuserneqassapput.

*Imm. 3.* Kalaallit Nunaata avataani ilinniagaqartut, ilanngullugu Danmarkimi, pisariaqartumik kigutinik suliaritisariaqaleriatarneranni aningaasartuutinut tamakkiisumik matussusiisoqartassaaq, suliaritinneq ilinniagaqarnersiuteqarnermut Naalakkersuisoqarfimmit akuerineqarpat.

*Imm. 4.* Imm. 1-3 malillugit taamaallaat aningaasartuutinut matussusiisoqassaaq aningaasartuutit ilaannut pisortanit oqartussaasunit allanit imaluunniit sillimmasisarnermik aaqqissuussiffiusunit akilerneqanngitsunut.

#### *Atuakkanut aningaasartuutinut tapiissutit*

**§ 49.** Ingerlaqqiffiusumik ilinniarfinni ilinniagaqartunut ilinniagaqarnermi atuakkanik, paassisutissanik katersanik, allaatigisanit katersukkanik assigisaannillu pinngitsoorani pigisassanik pisinermut

tapiisoqartarpoq. Ilinniagaqartup ilinniakkami sorlermi ilinniartunngortinne-qarsimanera tapiissutit annertussusaannut apeqqutaavoq. Taamaalilluni tapiissutit immikkoortunut pingasunut tapiissutit akilerneqartarpoq:

- 1) atuakkanut tapiissutit qaffatat
- 2) atuakkanut tapiissutit nalinginnaasut, imaluunniit
- 3) atuakkanut tapiissutit ilanngakkat.

*Imm. 2. Ilinniagaqarnerni atuakkanut, paassisutissanik katersanut, allaatigisanit katersukkanut assigisaannullu pinngitsoorani pigisasanut aningaasartuutinut immikkut qaffasissunut tapiissutit immikkut qaffanneqarnissaannik Ilinniagaqarnersiuteqarnermut Naalakkersuisoqarfik aalajangiisimmaavoq.*

*Imm. 3. Tapiissutit semesterit immikkut tamarmik aallartinneranni akilerneqartarput, atuakkanullu tapiissutit qaffatat kr. 1100-inik annertussuseqarput, atuakkanut tapiissutit nalinginnaasut kr. 600-inik annertussuseqarput aamma atuakkanut tapiissutit ilanngakkat kr. 200-nik annertussuseqarput.*

*Imm. 4. Tapiissutit immikkoortut pingasut imm. 1-imi taaneqartut ilinniakkanut ataasiakkaanut inissinneqarfii aamma ilinniakkat sorliit immikkut qaffatanik tapiiffigineqassanersut tapiissutiltu taakku annertussusaat Ilinniagaqarnersiuteqarnermut Naalakkersuisoqarfip "www.sunngu.gl" -imi ukumoortumik avammut nalunaarutigisarpi.*

#### *Bussinut ilaanermut tapiissutit*

**§ 50.** Tamatumunnga aningaasartuutit allaniit matussuserneqarsinnaanngippata Kalaallit Nunaanni bussinut ilaanermut qaamatikkaartumik allagartamik pisinermut ingerlaqqiffiusumik ilinniagaqartut aningaasartuutaannut tapiissuteqartoqarsinnaavoq, ilinniagaqartup najugaqarfigisaaniit ilinniagaqarfimmur aqqusernit minnerpaamik 5 km-inik takissuseqarpata. Angalanermut tapiissutit, qaamatikkaartumik tunniunneqartartut aningaasartuutiviusut 400 kr-it sinnerlugit annertussuseqartut avataaniittunut matussusiissapput, taamaattoq annerpaamik 1500 kr.-it.

### **Kapitali 7**

#### *Ilinniarnermi taarsigassarsiat Nunatta karsianit aningaasalersorneqartut*

**§ 51.** Taamaallaat taarsigassarsisitsisoqarsinnaavoq ingerlaqqilluni tapiiffigineqarsinnaasuni ilinniarnermi ilinniagaqartunut kapitali 2-mi 3-milu piumasaqaatinik naammassinnissimasunut 18-inillu ukioqalereersimasunut. Ilinniagaqarnermi taarsigassarsiat ilinniartitaanerup nalaani ataasiaannartumik ukiup affakkaartumillu semesterimut taarsigassarsiatut tunniunneqartarput, taamaattorli takukkit §§ 52 aamma 53 aamma § 33, imm. 1, oqaaseqatigiit aappaat. Ataasiaannartumik taarsigassarsiat annertussusissaat ukumoortumillu taarsigassarsiat amerlanerpaaffissaat aningaasanut inatsimmi takuneqarsinnaapput.

*Imm. 2. Semesterimut taarsigassarsiat upernaami semesterimut ukiamilu semesterimut taarsigassarsiarineqartarput. Upernaami semesteri piffimmut 1. januaarimit 31. juuli tikillugu aammalu ukiami semesteri 1. agustimit 31. decembari tikillugu naatsorsuutigineqartarput. Semesterimut taarsigassarsiat semesterip pineqartup naanerani tamakkiisumik atorneqarsimannngitsut semesterip tullianut nuunneqarsinnaapput. Ilinniagaqartup tamassuminnga qinnuteqareernikkut semesterimi taarsigassarsiat qaamatikkaartumik pisarsinnaavai.*

*Imm. 3. Ataasiaannartumik allanik taarsigassarsisitsisoqaqqissinnaavoq pissutsit immikkut illuinnartut*

pissutaatillugit ilinniakkap allamik taarserneratigut imaluunniit ilinniakkamik allamik aallartitsinermi, tamatumani ilaallutik nuunnermut ingammik aningaasartuutigisanut aammalu inissiamut nutaamut aallaqqaatit akiliutit.

*Imm. 4. Ilinniagaqarnermi taarsigassarsisoqassaaq akiitsunut allagartaliussaq*  
Ilinniagaqarnersiuteqarnermut Naalakkersuisoqarfimmit akuerineqartoq atorlugu. Ilinniagaqarneq aallartinneqareerpat akiitsunullu allagartaq atsiorneqarnikoq Ilinniagaqarnersiuteqarnermut Naalakkersuisoqarfimmit tiguneqareerpat ilinniagaqarnermi taarsigassarsiat siusinnerpaamik tunniunneqarsinnaapput.

**§ 52. Ilinniakkat** 1. marts imaluunniit 1. oktober sioqqullugit naammassineqartut semesterimi pineqartumi taarsigassarsinissamut pisinnaatitaaffigineqanngillat. Naalagaaffiup ilinniagaqarnersiuteqartitsineranit ilinniagaqarnersiuteqartunut semesterimi taarsigassarsisitsisoqarsinnaanngilaq, taamaattoq § 33, imm. 1 oqaaseqatigiit aappaat naapertorlugit.

**§ 53. Ilinniagaqartunut** Kalaallit Nunaanni ilinniaqqinnissamut piareersartunut imaluunniit inuutissarsiutinut tunngaviusumik ilinniagaqartunut ilinniarnermi taarsigassarsisitsisoqarsinnaanngilaq, taamaattorli takuuk imm. 3 aamma 4 aamma § 33, imm. 1, oqaaseqatigiit aappaat.

*Imm. 2. Ilinniagaqartunut ilinniarnermi taarsigassarsisitsisoqarsinnaanngilaq ilinniareernerup kingorna ilinniagaqarnermi akiitsugarlikkat ima amerlatigilersimassappata taarsersornissaat ajornartorsiutaalertussatut nalilerneqarlutik. Naliliineremi ilaatigut makku mianerineqassapput:*  
1) Ilinniareernermi naatsorsuutigisatut aningaasarsiat inisisimaffiannut naleqqiullugu akiitsugarisat amerlassusaat.

2) Ilinniagaqartup ilinniarnermi taarsigassarsiaminik naafferartumik akilersornissaasa qanoq sivisutiginissaata naatsorsuutiginera.

3) Ilinniagaqarnermi taarsigassarsiat pillugit naafferartumik akilersuinermik aaqqissuussinermik ilinniagaqartoq siusinnerusukkut ingasattumik ilaginnaasimanersoq.

*Imm. 3. Ilinniagaqarnersiuteqarnermut Naalakkersuisoqarfik imm. 1-imit immikkut akuerinnissinnaavoq pissutsit immikkut illuinnartut atuunnerini, tassunga ilanngullugu ilinniarneruntuunngorniarluni ilinniarfinni piareersarfittut neqeroorutaasuni Ilinniagaqarnersiuteqarnermut Naalakkersuisoqarfimmit tapiissuteqarfiusinnaasutut akuerisaasuni ilinniagaqartut aallarniinermi aningaasartuutit uppernarsarneqartut matussusernerinut.*

*Imm. 4. 18-ileereersimallutik Kalaallit Nunaata avataani, tassunga Danmarki ilanngullugu, ilinniagaqarnissamut piareersaataasumik imaluunniit inuussutissarsiutinut tunngaviusumik ilinniagaqartunut ataatsikkut tigusassanik taarsigassarsisitsisoqarsinnaavoq.*

## Kapitali 8

### Allaffisorneq

**§ 54. Qinnuteqarnermi immersugassaq** Ilinniagaqarnersiuteqarnermut Naalakkersuisoqarfimmit akuerineqartoq atorlugu Kalaallit Nunaanni ilinniagaqarnissamut ilinniagaqarnersiuteqarnissamik qinnuteqaateqartoqassaaq. Ilinniagaqarnersiuteqarnissamut qinnuteqaatinik suliarinninnermi suleriaasissaq Ilinniagaqarnersiuteqarnermut Naalakkersuisoqarfip aalajangissavaa, taannalu avammut saqqummiuttassallugu. Immikkut akuerineqarnissamik qinnuteqaatit Ilinniagaqarnersiuteqarnermut Naalakkersuisumut nassiunneqassapput.

*Imm. 2. Ilinniagaqarnersiuteqalernissamik qinnuteqaatit qaqugukkut tunniunneqareersimanissaat*

pillugit piffissaliussassat Ilanniagaqarnersiuteqarnermut Naalakkersuisoqarfíup aalajangersarsinnaavai.

*Imm. 3. Majoriami ilanniagaqarnernut atatillugu ilanniagaqarnersiuteqarnissamik qinnuteqaatit kommunalbestyrelsimit aqunneqarput angusassat pillugit isumaqtigíissutit Namminersorlutik Oqartussat aamma kommunalbestyrelsip pineqartup akornanni isumaqtigíissutigineqartartut tunngavigalugit.*

*Imm. 4. Ilanniagaqarnersiuteqarnermut Naalakkersuisoqarfíup Majoriami ilinniartut ilanniagaqarnersiuteqarsinnaasut amerlassusisaat ukiut tamaasa aalajangersartarpai. Ukiumut tulliuttumut amerlassutsit aalajangiussat oktobarip qaammataa naatinngu kommunalbestyrelsimit pineqartumut ukiut tamaasa nalunaarutigineqartassapput.*

*Imm. 5. Kommunalbestyrelsi imm. 3 malillugu qinnuteqaatit pillugit aalajangiisarpoq. Ilanniagaqarnersiutit kommunalbestyrelsimit akilerneqartassapput, taakkulu akiliussigallarnerup kingorna Ilanniagaqarnersiuteqarnermut Naalakkersuisoqarfíumit matussuserneqartassapput.*

*Imm. 6. Kommunalbestyrelsip ilanniagaqarnersiutit pillugit aalajangiinera, takuuk imm. 5, allaffissornikkut oqartussaasumut allamut suliassanngortinnejqarsinnaanngilaq.*

**§ 55. Ilanniagaqartoq ukiuni tamani qaammammut ataatsimut arlalinnulluunniit**  
ilanniagaqarnersiuteqannginnissaq toqqarsinnaavaat. Ilanniagaqarnersiuteqarnissamik qinnuteqannginneq ilanniagaqarnersiuteqannginnissamik toqqaanermut sanilliunneqassaaq. Ilanniagaqartoq qaammatini qassini ilanniagaqarnersiuteqannginnissamik nalunaaruteqarani ilanniagaqarnersiuteqannginnissaq toqqarpagu, tamassuminnga nutaamik allaganngorlugu qinnuteqarnissaq ilanniagaqarnersiutit akileqqittalernissaannut piumasaqaataavoq.

*Imm. 2. Ilanniagaqarnersiuteqannginnissamik allaganngorlugu qinnuteqaat qaammammi akiliiffiusumi ullut 15-ianni ilinniarfíummi ilitsersuisarsup tigoreersimassavaa. Ilanniagaqarnersiutit akilerneqartarnerisa aallarteqqinnejqarnissaat pillugu qinnuteqaat qaammammi akiliiffiusumi ullut 15-ianni ilinniarfíummi ilitsersuisup tigoreersimassavaa.*

## Kapitali 9

*Atuutilersitsinermut, ikaarsaariarnermut atorunnarsitsinermullu aalajangersakkat*

**§ 56. Nalunaarut ulloq 1. december 2016 atuutilerpoq. Tassunga peqatigitillugu Ilanniagaqarnersiutit pillugit Namminersornerullutik Oqartussat nalunaarutaat nr. 21, 13. december 2012-imeersoq atorunnaarsinneqarpoq.**

**§ 57. ilanniagaqartut 1. august 2005 sioqqullugu ingerlaqqiffiusumik ilinniakkamik**  
ilanniagaqarnersiuteqarfíusumik Namminersornerullutik Oqartussani naammassillugu ilanniagaqarsimasut, qiorsinernik ilanngaavagineqassapput kingullermik ilinniakkap naammassisap piffissaliussaasumi nalinginnaasumi naammassinerata nalinganik, taamaattoq takuuk imm. 4. Ilanniagaqarneq bachelorinngornissamut aamma kandidatinngornissamut immikkoortoqartoq ilanniagaqarnertut ataatsitut matumanisigineqassaaq. Ilanniagaqartoq Namminersornerullutik Oqartussanit ilanniagaqarnersiuteqarluni 1. august 2005-imi ingerlaqqiffiusumik ilanniagaqarnermik aallartitsisimappat, ilinniakkamut naammassisamut killissarititami qiortartakkanik ilanngaavagineqassanngilaq.

*Imm. 2. Ilanniagaqartut Namminersornerullutik Oqartussanit ilanniagaqarnersiuteqarlutik 1. august 2005 sioqqullugu ingerlaqqiffiusumik ilanniagaqarnermik unitsitsisimasut killissarititami qiortartakkanik ilanngaavagineqassanngillat. Qaffasinnerusumik ilanniagaqartoq 1. august 2005-imi kingusinnerusukkulluunniit aallartitaanut naleqqiullugu ilinniakkami unitsissimasamini piginnaaffeqarfinnik pissarsisimappat ilinniakkap aallartinnerani piffissami tapiissuteqarfíusumi*

killissarititamilu qιortartakkanik ilinniakkami pineqartumi piginnaaffeqarfinnik pissarsiffiusunut qaammatinut aalajangersimasunut ilanngaasoqassaaq.

*Imm. 3. Ilinniagaqartut Namminersornerullutik Oqartussanit ilinniagaqarnersiuteqarlutik 1. august 2005-imi ingerlaqqiffiusumik ilinniagaqartuuusut killissarititami ilinniakkap maannakkut inisisimaffiani ilinniarfiginissaanik sivisussusiata assinganik qιortartakkanik ilanngaavagineqassapput, taamaattorli takuuk imm. 4. Ilinniagaqarneq bachelorinngornissamut aamma kandidatinngornissamut immikkoortoqartoq ilinniagaqarnertut ataatsitut matumani isigineqassaaq. Tamanna ilutigalugu ilinniakkami ingerlanneqartumi piffissaq ikorsiissuteqarfusoq sivitsorneqassaaq, aningaasanik ikorsiissuteqarfiusup ilinniagaqarnerullu sivisussutsimikkut inisisimaffisa akornanni qaammatit amerlassusiisa assigiingissutaannik qιortartagassat amerlassusilerlugin. Piffissamut sivisussusissatut inisisimaffimmut ilinniagaqarnerup maannakkut inisisimaffia siuarsimaneruppat ilinniagaqartup ilinniarnermi nalaani aningaasanik ikorsiissutisiaqarsimanera qaammatit amerlassusiannut assingutillugit killissarititami qιortartagassat tunniunneqassapput, taamaattorli takuuk imm. 4, taamaalineranilu piffissaq ilinniagaqarnersiuteqarfusoq allannguuteqassanngilaq.*

*Imm. 4. Ilinniagaqartut ilinniarnermik nalaani piffissami ilinniagaqarnersiuteqarnerminni 1. august 2005 sioqquugu meerartaarsimasut tamatuma nassatarisaanik killissarititami qιugassanik aqqaneq-marlunnik aammalu piffissami tapiissuteqarfiusumi meeqqanut tamanut tunineqassapput. Tamanna taamaallaat atuutissaaq ilinniagaqartup 1. august 2005 ilangullugu meeraq inooqatigisimappagu, aammalu tamatumunnga ilinniagaqarnersiutit pillugit Namminersornerullutik Oqartussat nalunaarutaanni nr. 3, 6. februar 1998-imeersumi § 19, imm. 1 malillugu aalajangersakkat naapertorlugit ilinniagaqarnermik malinnaasimaguni. Tamatuma kingornatigut ilinniagaqartup ilinniarnini unitsippagu killissarititami ilassuteqarfimmi atugaanngitsut assinginik qιugassat ilanngaatigineqassapput.*

**§ 58. Ilinniagaqartunut tapiiffigineqarsinnaasunut** 1. januar 2013 sioqquugu tapiiffigineqarsinnaasumik ingerlaqqiffiusumik ilinniakkamik Danmarkimi aallartitsisimasunut, aammalu 1. januar 2013-ip kingorna suli ilinniakkaminnik ingerlatsisunut aningaasanik ilinniarnermi tunniuneqartunik tunniussisoqarsinnaavoq, tak. § 12, danskit ilinniagaqarnersiuteqarnermut malittarisassaat naapertorlugit qιortartakkat nungussimagunkit. Piumasaqaatit § 13-imiittut naammassineqarsimappata ilutigisaanik meeqqanut tapisianik pisartagaqartitsisoqarsinnaavoq.

*Imm. 2. Imm. 1 malillugu aningaasat tunniunneqartartut meeqqanullu tapit annerpaamik qaammatinut aqqaneq marlunnut tunniunneqarsinnaapput.*

*Imm. 3. Ilinniagaqartunut ilinniagaqarnersiuteqarsinnaasunut, 1. januar 2013 sioqquugu ingerlaqqiffiusumik ilinniakkamik tapiiffigineqarsinnaasumik Danmarkimi aallartitsisimasunut, aammalu 2013-imi januarip aallaqqaataata kingorna unitsinnagu ilinniakkaminnik suli ingerlatsisunut, ilinniakkanut siunnersortiminnut qinnuteqarnermikkut ilassutitut qiorsinernik aqqaneq marlunnik pissarsisinnaapput, § 24, imm. 1, nr. 1 aamma 2 naapertorlugit pissutaasut tunngavigalugit, imaluunniit ilinniagaqartup ilaqlutaani qaninnerni nappaammik ilungersunartumik aqquaagaqartoqarsimappat toqukkulluunniit qimaguttoqarsimappat.*

**§ 59. Meeqqanut tapisiaqartitsisoqarsinnaavoq,** tak. § 13, ilinniagaqartunut tapiiffigineqarsinnaasunut Danmarkimi najugaqartunut, 1. januar 2013-imi Naalagaaffiup ilinniagaqarnersiuteqarfianit, Statens Uddannelsesstøtte, ilinniarnermi aningaasanik pisartagaqarlertunut, ilinniagaqartoq pilersuisutut tapisianik danskit ilinniagaqarnersiuteqarnermut malittarisassaat naapertorlugit tapisiaqarsinnaatitaanngippat.

*Imm. 2. Ilanniagaqarnersiuteqarnermut Naalakkersuisoqarfik qinnuteqartoqarnera tunngavigalugu meeqqanut tapisiaqartitsisinnaavoq ilanniagaqarnersiuteqarnissamut pisinnaatitaasu-mut Danmark-imi ilinniagaqartumut, taanna 1. januar 2013-imi Naalagaaffiup ilanniagaqarnersiuteqarfianut, Statens Uddannelsesstøttemut nuuppat, ilanniagaqartorlu pilersuisutut tapisianik annikinnersunik pissarsiassaqaqtinneqarpat, tak. § 14. Meeqqanut tapisiat annertussuseqassapput pilersuisutut tapisiassat ilinniagaqartullu meeqqanut tapisiassaraluisa assigiinngissutaannik.*

**§ 60. Ilanniagaqartut tapiiffigineqarsinnaasut**, 1. januar 2013 sioqqullugu ilinniakkamik tapiiffigineqarsinnaasumik Danmarkimi aallartitsisimasut, aammalu 1. januar 2013-ip kingorna unitsinnagu ilinniakkaminnik ingerlatsisut, Ilanniagaqarnersiuteqarnermut Naalakkersuisoqarfimmum qinnuteqarnermikkut ilassutitut ilinniagaqarnersiutinik Namminersorlutik Oqartussaniit tapiiffigineqarsinnaapput, ilinniagaqartup aningaasat ilinniarnermi tunniunneqartartunut danskit ilinniagaqarnersiuteqartitsinermut malittarisassaannut nuunnermi kingorna ajornerusumik pineqannginnissaa siunertaralugu.

*Imm. 2. Ilanniagaqarnersiutit ilassutaasut, imm. 1 naapertorlugu, taamaallaat annertussuseqarsinnaapput ilinniagaqarnersiutit danskit ilinniagaqarnersiuteqarnermut malittarisassaat naapertorlugit pisinnaatitaaffigaasa aammalu ilinniagaqarnersiutit suli Namminersorlutik Oqartussat stipendumitut tunniussinnaasaasa assigiinngissiattut.*

**§ 61. Aalajangersakkat** maannamut atuuttut malillugit qularnaveeqqusiiissuteqarnermi pisussaaffit atuuffissamik naanissaata tungaanut atuutiinnassapput piumasarisaasut allanngortinnagit.

*Imm. 2. Qularnaveeqqusiiissuteqarnermi pisussaaffit 1. januar 1997 sioqqullugu akilerneqartut aalajangersakkat maannamut atuuttut malillugit ernialersorneqassapput.*

*Imm. 3. Qularnaveeqqusiiissuteqarnermi pisussaaffit 1. januar 1997 kingoqqullugu akilerneqartut akiliinerup kingorna ullormit aallartittumit ernialersorneqalissapput. Sukkulluunniit akiitsuusut ukiumoortumik ernialersorneqassapput pisortat sukkulluunniit diskontoata 5%-imik ilasap angeqataanik ernialersorlugit. Ernialiineq ukiut tamaasa 31. december piffissamiluunniit ilinniagaqartup akiitsunik akiliinerani pisassaaq.*

Namminersorlutik Oqartussat, ulloq 25. november 2016

Doris Jakobsen

/

Mikael Kristensen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit  
Namminersorlutik Oqartussat inatsisinut toqqorsiviat  
Naalakkersuisut